



Bosna i Hercegovina
Босна и Херцеговина

Agencija za
identifikacione/identifikacijske
dokumente/isprave, evidenciju i razmjenu
podataka Bosne i Hercegovine



Агенција за
идентификациона документа,
евиденцију и размјену
података Босне и Херцеговине

Broj: 15-03-16-5-35-34/24

Datum: 7.8.2024. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U o izboru najpovoljnijeg ponuđača

Član 1.

Najpovoljniji ponuđač u postupku javne nabavke **usluga korišćenja fiksne telefonije i internet usluga – LOT 2 internet usluga**, objavljen na web Portalu javnih nabavki Bosne i Hercegovine, Obavještenje o nabavci broj 1110-1-2-43-3-66/24 od 19.6.2024. godine, a koji je proveden otvorenim postupkom, je **BH Telecom d.d. Sarajevo**.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na web stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon provedenih aktivnosti, Komisija za provođenje postupka javne nabavke usluga korišćenja fiksne telefonije i internet usluga je konstatovala da su do roka za prijem ponuda, dana 17.7.2024. godine do 10:00 sati, na pisarnicu Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija), pristigle dvije (2) ponude i to: BH Telecom-a d.d. Sarajevo i Mtel-a a.d. Banjaluka. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-35/24 od 17.7.2024. godine, u kojem su detaljno obrazloženi razlozi za izbor najpovoljnijeg ponuđača.

Nakon izvršenog pregleda ponuda Komisija je zaključila da ponuda ponuđača Mtel a.d. Banjaluka nije kvalifikovana jer ovaj ponuđač nije dostavio adekvatne dokaze o ispunjavanju uslova iz člana 48. Zakona o javnim nabavkama, odnosno tačke 6.5.1 pod d) Tenderske dokumentacije. Naime, uvidom u ponudu ovog ponuđača utvrđeno je da je isti dostavio Spisak izvršenih ugovora, broj 1-04-74-3915-9-1/24 od 16.07.2024. godine, te Zahtjev za potvrdu o uredno izvršenom ugovoru, broj 1-04-74-3915-9-1/24 od 15.07.2024. godine, koji je upućen



drugoj ugovornoj strani, te je konstatovano da je ponuđač Tendersku dokumentaciju preuzeo dana 19.6.2024. godine. Na osnovu navedenog je utvrđeno da je ovaj ponuđač dva (2) dana prije roka za podnošenje ponuda započeo proces pribavljanja adekvatnog dokaza. Svojim postupanjem da ponuđač nije dokazao da postoje objektivni razlozi zbog kojih nije mogao dobiti potvrdu od ugovorne strane koja nije ugovorni organ, te se ovako postupanje ponuđača niti u bilo kojem dijelu može smatrati učinjenim pokušajem za dobijanjem potvrde kao dokaza, odnosno kao valjan i dovoljan dokaz kojim bi sama izjava privrednog subjekta o uredno izvršenim ugovorima vrijedila kao dokaz. Također, ponuđač je svojoj ponudi dostavio izjavu o pridržavanju uslova i zahtjeva definisanih u tenderskoj dokumentaciji, broj 1-04-74-3915-11/24 od 16.07.2024. godine, kojom pod punom odgovornošću, po ovlaštenju potvrđuje da će se pridržavati svih uslova i zahtjeva definisanih u tenderskoj dokumentaciji, a koji se odnose na usluge fiksne telefonije. Predmet javne nabavke po LOT-u 2 su internet usluge, a ne usluge fiksne telefonije. Cijeneći navedeno, Komisija je ponudu ovog ponuđača odbila jer nije dokazao svoju kvalifikovanost, odnosno dokaze dostavio u skladu sa zahtjevima iz Tenderske dokumentacije.

Nakon pregleda i ocjene ponuda Komisija je utvrdila da ponuda BH Telecom-a d.d. Sarajevo ispunjava sve zahtjeve u pogledu opisa predmeta nabavke i tehničkih specifikacija.

Analizom ponuda, u postupku sa kriterijumom najniža cijena, Komisija je zaključila da je ponuda BH Telecom-a d.d. Sarajevo **sa ukupnom cijenom od 127.666,32 KM bez PDV-a, odnosno 149.369,59 KM sa PDV-om** najpovoljnija, te s obzirom da ista u ekonomskom i tehničkom smislu u potpunosti zadovoljava zahtjeve Agencije data je preporuka da se donese odluka o izboru ove grupe ponuđača za najpovoljnijeg ponuđača.

Na osnovu prijedloga Komisije odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od deset dana od dana prijema ove odluke, Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević
Elektronički potpis / digitalno potpisano / digitally signed